



Slökkvilið

Akraness og Hvalfjarðarsveitir

1. Inngangur.

Í greinagerðinni er gerð grein fyrir þeim helstu verkefnum sem SAH. er heimilt að taka gjald fyrir samkvæmt lögum um brunavarnir nr. 75/2000 ásamt síðari breytingum, eða reglugerðum sem settar eru samkvæmt þeim lögum. Í lögum er sú regla að ef ekki er skilgreint að heimilt sé að taka gjald fyrir veitta þjónustu þá er hún gjaldfrjál.

Undantekning frá þessari meginreglu er þegar slökkviliðsstjóri þarf að beita þvingunarúrræðum og eða viðurlögum samkvæmt 29. gr.laga nr. 75/2000 um brunavarnir til að knýja fram úrbætur vegna mannvirkis í notkun, starfsemi í því eða á lóðum og öðrum svæðum utandyra þar sem eldhætta getur skapast, t.d. vegna starfsemi á svæðinu, söfnunar sorps og annars úrgangs eða geymslu eldfimra efna sem lögin heimila sérstaklega að innheimt sé fyrir.

Til að slökkviliðsstjóri geti innheimt fyrir að beita þvingunarúrræðum og /eða viðurlögum þurfa sveitarfélög að setja sér gjaldskrá um fjárhæð gjalda fyrir eftirlit samkvæmt þessari grein og um innheimtu þeirra. Gjöld skulu ekki vera hærri en sem nemur kostnaði við framkvæmd eftirlitsins. Gjöldum samkvæmt þessari grein fylgir lögveð í viðkomandi fasteign og lóð og má innheimta gjaldfallin gjöld með fjárnámi.

Í greinagerðinni eru einnig talin upp önnur verkefni sem slökkviliðið sinnir en eru ekki skilgreind sem verkefni liðsins samkvæmt lögum og er því heimilt að taka gjald fyrir veitta þjónustu. Þessi verkefni falla þó að tilgangi slökkviliðsins er að vinna að velferð íbúa sveitarfélagsins, séu þau ekki falin öðrum til úrlausnar í lögum né framkvæmd í samkeppni við aðra aðila.

2. Uppbygging gjaldskrár.

Tímagjald fyrir útselda vinnu miðast við raunkostnað slökkviliðsins og er ekki hærri en sem nemur kostnaði við framkvæmdina. Meginreglan að innheimt er fyrir unnin tíma samkvæmt sérstakri skráningu og gjaldskrá þar að lútandi en að lámarki skal þó innheimt fyrir þann kostnað sem útkall utan venjubundins vinnutíma felur í sér.

Eins og áður hefur komið fram er samkvæmt lögum nr. 75/2000 um brunavarnir reglan sú að ef ekki er skilgreint að heimilt sé að taka gjald fyrir veitta þjónustu þá er hún gjaldfrjál. Til að undirstrika samfélagslegar skyldur allra aðila sem lögin ná til er gert ráð fyrir ákveðnu starfshlutfalli liðsins til þeirra starfa sem endurspeglast af gjaldskrá.



Slökkvilið

Akraness og Hvalfjarðarsveitir

Leiga á tækjum slökkviliðsins er háð samþykki slökkviliðsstjóra. Leiguverð er samkvæmt sérstakri gjaldskrá sem að öllu jöfnu skal vera að lámarki 35% herra en leiga á sambærilegum tækjum á markaði.

3. Rökstuðningur gjaldskyldu

Sé tiltekið verkefni gjaldskyld er einnig innheimt eftir atvikum fyrir unnar klst. útkalls- og forvarnarsviðs við faglega umsýslu, undirbúning, ráðgjöf, fundi, akstur, skýrslu og bréfaskriftir. Umsýsla stoðdeilda og skrifstofu er innreiknuð í tímagjald útseldrar vinnu.

Eldvarnarskoðanir eru verkefni slökkviliðs samkvæmt lögum um brunavarnir og því ekki innheimt fyrir þær. Tvö tilvik eru undanskilin þessari reglu:

- Eftirlit þar sem fylgst er með því hvort farið hafi verið að kröfum um úrbætur sbr. 3. mgr. 29. gr. laga um brunavarnir sem sett var með lagabreytingu nr. 67/2007.
- Skoðanir, ráðgjöf og umsýsla sem nauðsynlegar eru m.t.t. umsagna hvort heldur sem er að beiðni einkaaðila eða opinber aðila, enda má til komið vegna eigin hagsmuna viðkomandi eða vegna ákvæða annarra laga en um brunavarnir.

Eftirlit og eftirfylgni kröfugerðar

- ✓ Innheimt skal fyrir alla vinnu og akstur sem fellur vegna mála í kjölfar eldvarnarskoðana eftir að eiganda eða forráðamanni hafa verið birtar kröfur slökkviliðsstjóra um úrbætur á eldvörnum frá og með tíma er það val viðkomandi hvort hann sinnir þessum málum eða ekki. Gildir einnig um sambærilegan kostnað sem fellur til vegna lokunaraðgerða frá og með tilkynningu eða viðvörun þar að lútandi berst viðkomandi eiganda eða forráðamanni. Byggir á heimild í 3. mgr. 29. gr. laga um brunavarnir sem sett var með lagabreytingu nr. 67/2007.

Umsagnir.

- ✓ Umsagnir slökkviliðsstjóra til einkaaðila eða annarra stjórnvalda eru ekki fyrirskrifaðar í lögum um brunavarnir. Umsagnir til annarra eru þó eftir atvikum áskildar í lögum um aðra málaflokka og reglugerðum settum samkvæmt þeim. Fyrst og fremst er um að ræða umsagnir til lögreglustjóra og sýslumanns vegna rekstrarleyfa og til sveitarfélaga vegna heimadaggæslu barna.



Slökkvilið

Akraness og Hvalfjarðargætt

Lagt er til að innheimt verði fyrir umsagnir til annarra stjórnvalda á föstu gjaldi sem nemur vinnu einnar klst. ef umsögn er gefin án skoðunar, en sem nemur vinnu þriggja klst. ef umsögn er gefin að undangengini skoðun.

Innheimta fyrir umsagnir til annarra aðila eru samkvæmt unnum klukkustundum þar að lútandi.

Ráðgjafapjónusta.

Ráðgjafapjónusta er ekki fyrirskrifuð í lögum um brunavarnir. Í 12. gr. Er þó kveðið á um það hlutverk slökkviliðs að „leiðbeina fyrirtækjum og stofnunum eftir atvikum um hvaðeina er varðar brunavarnir og eldsvoða vegna viðkomandi starfsemi“. Þetta verður að skoða sem almenna upplýsinga- og leiðbeiningarskyldu í samræmi við ákvæði stjórnsýslulaga sem einnig kveða á um að stjórnvaldsákvæðanir skuli rökstuddar. Slíkar upplýsingar skulu veittar á endurgjalds.

Önnur ráðgjöf slökkviliðs er fyrst og fremst af tvennu tilefni og tengist að miklu leyti því hlutverki slökkviliðsins að vera byggingafulltrúa til ráðgjafa um eldvarnir. Annars vegar er ráðgjöf til hönnuða við undirbúning byggingarleyfisumsókna og vegna athugasemda við brunahönnun og eldvarnir á aðaluppdráttum tengdum byggingarleyfisumsóknum. Hins vegar er ráðgjöf til eigenda, forráðamanna, og hönnuða á þeirra vegum, vegna krafna um úrbætur á eldvörnum.

Ef leiðbeiningar SAH í einstöku máli vegna ákvæða í stjórnsýslulaga eða 12. gr laga um brunavarnir eru ítrekaðar eða umfangsmiklar telst vinna til ráðgjafar og er því gjaldskyld frá þeim tímapunkti. Mat á þessu tekur mið af eðli og umfangi þess máls sem um ræðir en viðamikil eða flókin mál geta eðlilega kallað á meiri leiðsögn. Ekki er eðlilegt að SAH sinni ráðgjafapjónustu þar sem á markaðnum er hópur fagmanna sem býður slíka þjónustu um eldvarnir og brunamál.

Þó skal veitt ráðgjöf um atriði sem ætla má að viðkomandi geti aðeins aflað sér vitneskju um með aðstoð slökkviliðs og er hún gjaldfrjál.

Öryggisvaktir.



Slökkvilið

Akraness og

Upphæðingavörðun

- ✓ Innheimt skal fyrir alla vinnu og akstur sem fellur til vegna öryggisvakta eftir að eigandi eða forráðamanni hefur verið tilkynnt ákvörðun slökkviliðsstjóra um að öryggisvakt skuli sett á viðkomandi húseign.

Séu Tæki og búnaður SAH notuð við öryggisvaktir skal ekki innheimt sérstaklega fyrir það þar sem viðhald og afskriftir búnaðar er innreiknað í tímagjald.

Byggir á heimild í 30.gr. laga um brunavarnir.

Tækjaleiga.

Tækjaleiga er ekki fyrirskrifuð í lögum um brunavarnir. Þó er eðlilegt að leigja tæki sem eru þess eðlis að ekki er hægt að leigja þau hjá öðrum aðilum ef að aðstæður kalla á skjóta notkun sem aðrir aðilar geta ekki boðið.

Tæki SAH skulu aðeins notuð af starfsmönnum liðsins og er innheimt fyrir vinnu þeirra auk tækjaleigu.

Fylgd vegna sprengiefnaflutnings.

- ✓ Sprengiefnafylgd er ekki áskilin í lögum um brunavarnir. Kveðið er á um slíka fylgd í lögreglusamþykkt Reykjavíkur og veitir lögreglustjóri ekki heimild til flutnings nema í fylgd slökkviliðs. Innheimt skal samkvæmt tímagjaldi en ekki sérstaklega tæki né búnað.

Útköll vegna brunaviðvörðunarkerfa.

- ✓ Sé slökkvilið kallað út vegna boða frá sjálfvirku brunaviðvörðunarkerfi án þess að eldur sé laus skal innheimt fyrir kostnað við mannafla. Ástæður eru oftast bilun í viðkomandi kerfi eða gáleysi í umgengni sem verður þess valdandi að eitthvað setur kerfið í gang, og útkallið því tilhæfulaust. Réttmætt er að skilgreina þetta sem aðgerð til að knýja fram úrbætur á eldvörnum.

Upphreinsun spilliefna.

- ✓ Með þessum flokki er ekki átt við lögmætar tafarlaugar aðgerðir til að stöðva mengunarslys og draga úr hættu því samfara, eins og kveðið er á um í 3. gr. laga um brunavarnir en þar er mengunaróhapp skilgreint á eftirfarandi hátt:
„Mengunaróhapp er þegar eiturefni eða önnur efni berast, eða kunna að berast, í umhverfið og tafarlaus úrræði eru nauðsynleg vegna hættu á tjóni á heilsu fólks, umhverfis og eignum.“

Upphreinsun efna sem lekið hafa úr er sinnt af slökkviliði þótt ekki sé mælt fyrir um það í lögum í lögum um brunavarnir, meðan ekki eru aðrir þar til hæfir aðilar tiltækir til að sinna verkefninu.



Slökkvilið

Akraness og

Upphreinsun

Innheimt skal fyrir vinnu við upphreinsun, efni til upphreinsunar, meðhöndlun og förgun upphreinsaðs efnis.

Mengunarviðbrögð vegna hafs og strandar.

- ✓ Í 2. gr. laga nr. 75/2000 um brunavarnir er gildissvið laganna skilgreint, en þar kemur meðal annars fram að viðbúnaður vegna mengunaróhappa sé einskorðaður við land. Viðbrögð við mengunaróhöppum á hafi, ströndum eða hafnarsvæði eru eftir atvikum á ábyrgð viðkomandi hafnaryfirvalda, landhelgisgæslu eða umhverfisstofnunar.
Ef óskað er eftir því að slökkvilið komi að viðbrögðum og/eða viðbúnaði gagnvart mengunaróhöppum utan gildissviðs laganna skal slökkviliðsstjóri ger samninga hvað það varðar og bera undir bæjarstjórn til samþykktar.

Verðmætabjörgun.

- ✓ Fyrir verðmætabjörgun sem ekki er tilgreind í brunavarnarlögum, til dæmis vegna vatnsleka sem ekki er eðlileg afleiðing af slökkvistarfi, ber að innheimta fyrir tæki og vinnu samkvæmt gjaldskrá ef ekki liggja fyrir samningar um annað.

Gagnkvæm aðstoð slökkviliða.

- ✓ Samkvæmt 3. mgr. laga nr. 75/2000 um brunavarnir er slökkviliði heimilt að veita aðstoð við slökkvistarf eða viðbrögð við mengunaróhappi utan eigin umdæmis. Slökkviliðsstjóri ákveður hverju sinni hvernig aðstoð er veitt án þess að brunavörnum í umdæmi slökkviliðsins sé stofnað í hættu að hans mati. Það sveitarfélag sem aðstoðar nýtur greiðir kostnað við hana. Heimilt er að gera samning um gagnkvæma aðstoð slökkviliða og skal hún samþykkt í sveitarstjórn.
- ✓ Slökkviliðsstjóri skal fylgja þeirri megin reglu að þar sem tafarlaust aðstoð, samkvæmt markmiðum og gildissviði laganna, utan eigin umdæmis er nauðsynleg skal hún skilgrind sem gagnkvæm aðstoð án endurgjalds.

Annað.

- ✓ Innheimt skal fyrir aðra vinnu sem ekki er tilgreind hér og ekki er mælt fyrir um í lögum.



Slökkvilið

Akraness og Hvalfjörðarsvæitar



Greinargerð vegna gjaldskrár

2015



Slökkvilið

Akraness og Hvalfjarðargættar